



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 5. Epistola circa residentiam a Soto triduo ante obitum ad summum Pontificem perscripta.

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

Sæcul. XVI.
A.C. 1563.

fitatis studia restaurabat, suamque operam ad obeundum Professoris munus ipsemet obtulit, ac reipsa Theologiam publice tradidit usque ad Annum Domini millesimum quingentesimum quinquagesimum tertium; nam hoc anno Philippus Hispaniæ Princeps, ac postea secundus hujus nominis Rex, qui Mariæ Anglorum Reginæ desponsatus erat, ad Religionem Catholicam in Oxoniensi, & Cantabrigiensi Universitatibus restaurandam eundem Petrum Sotum, aliosque duos ejusdem sacri Ordinis Theologos selegerat: cum vero Maria Regina anno salutis nostræ millesimo quingentesimo quinquagesimo octavo vivis eriperetur, ob funestam illius mortem hi Theologi bene cæpta profequi præpediebantur: quapropter Sotus Dilingam reversus ibidem usque ad annum a Christi nativitate millesimum quingentesimum sexagesimum primum substitit, tum vero Pii IV. jussu ad Synodum Tridentinam contendit, ubi rara eruditionis suæ specimina edidit.

§. V.

Epistola circa residentiam a Soto triduo ante obitum ad summum Pontificem per scripta.

Pallav. l. c.
Vie de D.
Barth. des
Martyrs. l. 2.
c. 10.
Kisc. p. 245.

Triduo ante obitum suum Sotus epistolam alieno chirographo, proprio

Hist. Eccles. Tom. XLVI.

O ta-

Sæcul. XVI.
A.C. 1563.

tamen figillo munitam ad summum Pontificem transmittendam exarrabat hujus tenoris :

Echard. de
Script. Ordt
FF. Præd.
Raynald. hoc
ann. n. 71.

„Beatissime Pater! Proxime ad Di-
„vini Judicis tribunal vocandus, atque
„erga Sanctitatis vestræ honorem zelo
„nunquam intermorituro accensus haud
„temere mihi persuadeo. Sanctitatem
„vestram non ægre laturam, si in po-
„stremis hinc vitæ meæ momentis fi-
„liali libertate eandem adhorter, atque
„exponam, quod nunc, cum jam antea
„meam sententiam circa Episcoporum
„residentiam declaraverim, aperte de-
„nuntiem, rem pietate, ac virtute di-
„gnam fieri, si Sanctitas sua eo rem de-
„ducat, ut sacrosancta Synodus non
„modo, cujusnam juris sit residentia
„Præfulum, aliorumque Ecclesiæ Mi-
„nistrorum disertis verbis definiat, sed
„insuper id, quod semel definitum est,
„tam Sanctitas vestra, quam ceteri omnes
„Prælati fide nunquam violanda ser-
„vent: Ut vero mentem meam adhuc
„clarius explicem, optarem, ut Cardi-
„nales deinceps nullos alios Episcopa-
„tus possiderent, nisi saltem in suis Dio-
„cesibus permanere parati sint. Hæc
„sunt postrema mea vota, ac vestri hu-
„millimi, & fidelissimi servi verba: si-
„cut enim Sanctitati vestræ diuturnam
„ac felicissimam vitam apprecor, ita
„pari-

„pariter mihi persuasum habeo, quod a- Sæcul. XVI.
 „liquando, dum Deo placuerit præ- A.C. 1563.
 „sentem vitam cum æterna commuta-
 „re, in illa postrema, atque tremenda
 „hora, cui me proximum cerno, ingens
 „animæ suæ solatium percipiat, si
 „rem, quam fieri supplico, effectui da-
 „tam recordabitur &c. (*)

Hæc epistola quantocius ad Papam
 transmittebatur, cum autem illam Lu-
 dovicus Lofus hujus Patris Theologus
 descriptam teneret, brevi ea publici ju-
 ris facta est.

§. VI.

*Navagerus Cardinalis Legatus ad
 Synodum delatus.*

Die vigesima octava, seu vigesima *Pallav. c. 13.*
 nona ejusdem Mensis Cardinalis *n. 2.*

Navagerus novus Synodi Legatus Tri- *Sarp. l. 7.*
 dentum venit: cum autem non nisi die *p. 677.*
 trige- *Spond. hoc*
ann. n. 23.
Viscont. let.

(*) Studiose autem Continuator in hac e- *27. p. 249.*
 pistola prætermisit ea verba, quæ a doctissimo
 hoc Viro adjecta refert Pallavicinus: Scripse-
 rat enim, *a se vivente, ac moriente affirmari,*
Summum Pontificem cunctis Conciliis Superio-
rem esse, nec ab illis ulla ratione judicari pos-
se: opportunum a se censei, ut id pariter aper-
te desineretur; cum contrarium in seditiones,
bella, & schismata manifesto tenderet.